

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 78 (1993)

Heft: 5

Artikel: Opus Dei : tgei ei quei?

Autor: Mazzetta, ANita

DOI: <https://doi.org/10.5169/seals-882628>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Opus Dei - tgei ei quei?



Anita Mazzetta

Cun la nominaziun da Wolfgang Haas sco uestg da Cuera ei igl Opus Dei daventaus in tema central per la baselgia e societad svizra. Ils emprems commembers digl Opus Dei han survegniur uffecis giada uestg Vonderach. Cun siu successur ei lur influenza denton carschida: Christoph Casetti, anterius vicari general e canoni, vala sco in simpatisant dad Opus Dei. Joseph Bonnemain, ufficial digl uestgiu da Cuera, ei commember e spiritual da quell'organisaziun. Peter Rutz, il vicemenader digl Opus Dei svizzer ei oz il menader dil seminari da spirituals s.Gliezi. Ed era el Lauretanum a Zezras, nua ch'ils aspirants pil seminari da spirituals vegnan preparai, opereschi, sco quei ha num, igl Opus Dei.

«Era glieud dad Opus Dei duei ver il dretg da seser en gremis, sco el cussegli da pastoraziun ni el capetel. Era ella baselgia duei ei dar in pluralissem, el senn che gruppas differentas ein representadas.» Quei di pader Baseli Drack, docter dalla teologia e conventional a Mustér, ell'emissiun «Accents» dil Radio romontsch dils 16 da zercladur 1990: «Per mei eisi denton ina situaziun smisereivla sche la direcziun digl uestgiu consista quasi sulettamein u da glieud dad Opus Dei ni da simpatisants da quel. Lu vegn ei ad ir a finir quell'uisa sco in dils commembers dil capetel ha detg, lu han quels che vulan esser aviarts pil secund concil dil Vatican, ni per la sinoda 72, negins partenaris da discussiun pli tier igl ordinariat episcopal, e quei ei buca bien.»

Pertgei quella tema enteifer ed ordeifer la baselgia catolica? Pertgei vegn igl Opus Dei resentius sco ina smanatscha? Cun agid dall'ediziun dalla Paulus-Akademie a Turitg «Opus Dei - Stosstrupp Gottes oder 'Heilige Mafia'?» lessel jeu empruar da rispunder quellas damondas.

La contribuziun «Opus Dei – Tgei ei quei» sebasa denter auter era sin l'emissiun dil Radio romontsch dils 16.6.1990, procurada da Claudio Deflorin e da Richard Cavigelli. Quella publicaziun ei succedida cun la lumbentscha dalla direcziun dil Radio romontsch.

Tgei ei igl Opus Dei?

Igl Opus Dei, ni en romontsch l'Ovra da Diu, ei veginida fundada 1928 a Madrid d'in spiritual spagnol da 26 onns, Josemaria Escrivà de Balaguer. Escrivà pretenda ch'el hagi survegni l'incarica da Diu sez da fundar in'organisaziun da laics per salvar la baselgia. Suenter la fundaziun sederasa si'ovra senza cal. Navenda 1946 vegin quella dirigida da Roma anora. 1975 miera il fundatur Josemaria Escrivà. Il spagnol Alvaro del Portillo surpren sia bitgetta. 1982 finalmein survegn igl Opus Dei il status giuridic giavischau enteifer la baselgia catolica. Papa Gion Paul II dat all'ovra il status da pretura persunala, ina fuorma giuridica unica e nova el dretg canonic. Sco pretura persunala gauda igl Opus Dei ina gronda autonomia, quasi sco in agen uestgiu, denton sin basa persunala e buca territoriala. Ch'igl Opus Dei vegin buca mo accumpignaus cun simpatia, mobein era promovius tochen sisum la hierarchia clericala semuossa puspei 10 onns pli tard. Ils 17 da matg 1992, 17 onns suenter la mort da Josemaria Escrivà, vegin il fundatur digl Opus Dei beatificaus da papa Gion Paul II: pigl Opus Dei la renconuslientscha insumma, per auters in scandal.

Oz dumbra igl Opus Dei circa 80'000 commembers en 80 tiaras, glieud ch'ei activa en tschiens universitads, mieds da massa e casas edituras. En Svizra operatescha igl Opus Dei dapi 1956 e dumbra oz var 300 commembers. Il diember dils collavuraturs ei denton tschun tochen diesch gadas pli gronds. A Turitg, Friburg e Genevra meina igl Opus Dei oz var in tozzel casas, sco casas da students, centers da scolaziun, clubs da giuventetgna. Tier quellas casas fruntan ins denton darar sil num Opus Dei.

Tgei finamiras ha igl Opus Dei?

Igl Opus Dei sincer escha ch'el hagi neginas ambiziuns mundanas, finanzialas, economicas e politicas. Sias finamiras seigien cumpleinamein surnaturalas, spiritalas ed apostolicas. Martin Rhonheimer, teolog digl Opus Dei egl uestgiu da Cuera e professer extraordinari ad in'universitat digl Opus Dei a Roma, circumscriva sco suonda la finamira dall'ovra ell'emissiun dil Radio romontsch citada sura:

«La finamira digl Opus Dei ei da far endamen als cristians ed atras lezs a tut ils carstgauns, che la veta da mintgadi ei ina via tier Diu, ina via da sontgadad, in liug nua che mintgin sto esser apiestel e duei sesentir sco apiestel.»

Sin la renfatscha ch'igl Opus Dei hagi collavurau da lezzas uras cun in reschim politic, cun Franco da Spagna, manegia Martin Rhonheimer:

«Quei che pertucca la situaziun concreta en Spagna eisi da dir che commembers digl Opus Dei ein vegni denunziai e persequitai, publicists digl Opus Dei ein era vegni censurai. Activamein ha igl Opus Dei denton mai cumbattiu il faschissem en Spagna. Igl Opus Dei persequitescha mai finamiras politicas. Dall'autra vart ha ei bein dau treis commembers dall'organisaziun ch'ein stai ministers da Franco els onns 60. Quei ei denton buca stau ina collavuraziun culs falanghists, ins ei semplamein semess a disposiziun alla Spagna in mument che l'economia piteva. Quei ei stau in survetsch alla Spagna, ina decisiun persunala da quels treis commembers digl Opus Dei. Igl Opus Dei ha buca influenza sin da quellas decisiuns.»

Malgrad che Josemaría Escrivà ha fundau igl Opus Dei «per sanctificar la lavur e la professiun» e malgrad ch'el scriva pli tard el *Camino*, si'ovra principala, «il studi, la professiun, ein per nus ina gronda obligaziun», vul l'organisaziun paradoxamein surprender negina responsabladad per las activitads dils singuls commembers. Igl Opus Dei snega ses interess mundans - ils fatgs cumprovan il cuntrari. Perfin il Radio Vatican conceda quei: «Ei ha negin senn da snegar, igl Opus Dei ha en enqual tiara ina gronda influenza en secturs politics, economics e culturals.»

Fuormas da commembranza

Tier igl Opus Dei dat ei buca semplamein ina sort commembers, mobein differentas fuormas, critichers discuoran da classas. Impurtonta ei la tripartiziun (hierarchica) en numeraris, associai e supernumeraris:

Numeraris ein ils commembers supremi. Els vivan els centers digl Opus Dei e fan il vut da castgadad, observan pia il celibat. Ils umens han absolvii studis universitars, in studi teologic ed in studi secular. Spirituals ein mo 1,8% da tuts commembers, las funcziuns da cader ein denton els mauns da quels.

Associai ein per regla commembers che han buca studegiau e che vivan era buca ella cuminanza. Era els fan denton il vut da castgadad.

Supernumeraris ein la gronda part dils commembers. Quels san maridar e duein ademplir las finamiras dall'ovra en famiglia ed ella clamada. Els texts interns digl Opus Dei survegnan quels buca senz'auter investa.

Quella tripartiziun anflan ins schibein ella partiziun dils umens sco era en quella dallas dunnas. Las commembras han denton tut otras funcziuns, ellas dedicheschan lur veta a lavurs manualas ed alla «administraziun» dall'ovra, vul dir al

B) Testament

Hiermit erkläre ich meinen letzten Willen:

1. Ich erkläre, dass ich alles glaube und bekenne, was die heilige, römische, katholische und apostolische Kirche lehrt, und unterstelle die Handlungen meines Lebens unter ihre Autorität.
2. Ich setze die Studentische Kulturgemeinschaft e.V. mit dem Sitz in Bonn zu meinem Erben ein.
Für den Fall, dass die Studentische Kulturgemeinschaft e.V. aus irgendeinem Grunde nicht erben kann oder will, setze ich das Lindenthal-Institut zu meinem Erben ein.
3. Die gesetzlichen Vorschriften betreffend den Pflichtteil sollen unberührt bleiben.
4. Ich bestimme, dass ich im Falles meines Todes als Totenkleid lediglich ein einfaches weisses Leinentuch haben möchte; die weitere Regelung meines Begräbnisses überlasse ich meinem Testamentsvollstrecker.
5. Ich bestimme, dass mein Erbe für mich 30 Seelenmessen feiern lässt.
6. Als Testamentsvollstrecker bestimme ich (Name). Für den Fall, dass (Name) das Amt nicht annehmen kann oder will, soll (Name) dieses Amt übernehmen.
7. Der Testamentsvollstrecker verfügt über die weitestgehenden Befugnisse.

(Unterschrift)

tenercasa. Funcziuns da cader dat ei buca per las commembras, lur partiziu vegn menada d'in gremi d'umens. Las duas schlattineas vegnan plinavon separadas rigurusamein. Reglas internas descrivan minuziusamein co evitar sentupadas e discours. Per exemplu duess la casa haver duas entradas separadas. Il superiur e la superiura secommunicheschan mo per telefon, en cass excepziunals a secret, denton mo «cun ina notizia scretta cun maschina, senza formulaziuns da titulaziun e salid.» Las dunnas che surveschan a meisa han da far quei «senza dir plaid e sch'il superiur fa in segn, teiddan ellus, senza denton tschintschar.»

Recrutaziun dils commembers

«Jeu insistel che persunas da tutta vegliadetgna sappien vegnir ell'ovra; da quels da curonta, tschunconta ed aunc pli vegls vegnan a vegnir. Nus stuein denton sespruar e batter grondamein per glieud giuvna ch'entscheiva lur veta e lur cumbat cun quei ideal.»

Quels plaids dil bab dall'organisaziun vegnan adempli sco suonda: Giuridicamein vegnan ils giuvenils recepi cun 17 onns ell'organisaziun. Pér suenter tschun onns, ni il pli baul cun 23 onns, vegnan els integrai definitivamein, pia per veta duronta, egl Opus Dei. Ella pratica entscheiva l'integraziju dils giuvenils denton pli baul. Gia cun quitordisch e miez vegnan ils giuvenils integrai sco aspirants ella veta dall'organisaziun, sco quei stat secret el *Vademecum*:

«Giuridicamein s'audan ils aspirants buca tier l'ovra; perquei han els buca ils dretgs e las obligaziuns da ses commembers. Naturalmein san els buca viver culla famiglia (digl Opus Dei), ed els sustattattan buca alla giurisdicziun dalla prelatura. Tuttina s'occupeschan ins fetg cunscienziamein per lur formaziun, per che lur veta interna e lur ardiment apostolic creschien e per che lur vocaziun vegni ferma e madira ... per ch'els emprendien bein il spért dall'ovra e per enfirmir lur promtadad ell'olma pigl abandon total en Diu.»

Ils commembers vegnan pia recrutai fetg giuvens e gia cun 14 e miez vegn ei decidiu per tgei funcziun ch'il giuvenil ei adattaus, pia schebein el vegn a viver ina veta en celibat ni buc. Naven dall'entschatta han ils commembers era da sespruar per novs commembers: «Mintgin duei sespruar per contacts cun silmeins dudisch tochen quendisch persunas, cun silmeins tschun da quels intensivamein.»

L'opposiziun dils geniturs ei pil solit pintga, in'organisaziun catolica, quei vegn bein ad esser enzatgei endretg, tratgan ils biars. Da quei che capeta veramein cun lur affons vegnan els strusch informai, tenor la devisa da Josemaría Escrivà: «Vossa moda da viver duei restar secreta sco la moda da viver da Jesus en ses 30 onns.»

Ella constituziun secreta digl Opus Dei stat ei schizun secret ch'ei seigi scuman-dau als commembers da far paleis lur commembranza ed ils numbs d'auters commembers digl Opus Dei. L'ovra fa valer che quella constituziun seigi oz buca

pli en vigur. La realitat ei denton quella: egl uestgiu da Cuera enconuschan ins ufficialmein mo var in miez tozzel dils commembers digl Opus Dei. In da quels ei Martin Rhonheimer. En l'emissiun dil Radio romontsch ha el declarau quei fatg sco suonda:

«Ils commembers digl Opus Dei ein normals cristians. Igl ei buca necessari che quels ein numnai enzanua sin ina gliesta. Tuttina eis ei negin misteri tgi che fa part da quella communitad. Quels ch'ein surtut enconuschents tier igl Opus Dei, quei ein ils menaders en las singulas regiuns e surtut era ils spirituals, damai che quels ein nudai en tut las cartotecas da persunal dallas diocesas. Nudai ein denton mo quels che han ina funcziun speciala en quella diocesa. ...

Ei drova denton neginas gliestas da commembers, damai che era quella glieud ha il dretg dad esser preservada da fuffergnems ella sfera privata.»

En vesta alla pratica intransparenta ed obscura ed allas cuntradicziuns denter la pratica ufficiala e quella inufficiala, ei igl Opus Dei gia vegnius titulaus sco «sontga mafia» ed «organisaziun clandestina». Alla hierarchia catolica vegni plinavon renfatschau dad haver acceptau en sia retscha, cun la renconuschientscha ufficiala dall'Ovra da Diu, ina «secta da giuvenils».

L'obedientscha tschocca

La formulaziun «obedientscha tschocca» vegn duvrada dil fundatur sez digl Opus Dei. El *Camino* scriva Josemaría Escrivà: «Obedir - la via segira. Obedir tschoccamein («obedecer ciegamente») als superiurs - la via alla sontgadad. Obedir en tiu apostolat - la suletta via.» Il commember e spiritual digl Opus Dei, Martin Rhonheimer, mitighescha denton quell'expressiun en l'emissiun menziunada dil Radio romontsch:

«L'obedientscha ei in punct central dalla veta da Cristus. Lez ei vegnius sil mund per obedir a siu Bab, per accumplir la veglia da siu Bab. Quei ei la tradiziun cristiana dapi ils sogns patruna dalla baselgia ...

Sch'enzatgi obedeschagl Opus Dei lu fa el quei damai ch'el vul obedir, perquei ch'el vul ir sez la via che Cristus ei ius. L'expressiun «obedientscha tschocca» astgan ins buca survaletar. Ins sto veser quei en in cert connex. Gest tier igl Opus Dei s'auda ei tier la libertad persunala che negin sa vegnir sfurzaus d'in superiur da far enzatgei che cunterfa a sia cunscienzia. Il commember posseda libertad cumpleina en sia veta sociala, professiunala e politica. L'obedientscha ei in tratg puramein ascetic, ch'ins ei promts - enteifer las atgnas activitads apostolicas - da seglir sur l'atgna umbriva. Quei ei ina mesira dalla humilitonza che sebasa sin la libertad. Negin ha il dretg da disposer d'enzatgi auter. Obedientscha signifi-

chescha, disponer da sesez, quei ei in act da humilitonza da sesez, e quei ei la ductrina dalla baselgia dapi 2000 onns.»

Igl Opus Dei discuora d'ina obedientscha «en libertad e responsabladad», d'ina obedientscha che vegn «dall'iniziativa dils affons da Diu». Tgei libertad che quei ei, muossan ils suandonts citats ord il *Camino*: «Fai negina critica negativa. Sche ti sas buca ludar, lu quescha.» Negin hagi il dretg da disponer d'enzatgi auter, di Martin Rhonheimer, e tgei di Josemaría Escrivà?: «In menader. Ti drovas el. Per sesacrificar, per seregalar, en obedientscha. In menader ch'enconuscha tiu apostolat e che sa tgei che Diu vul ...»

La mortificaziun

L'obedientscha ei la via tier Diu. Quella via sa il commember digl Opus Dei denton mo ir sch'el exercitescha la humilitonza, pia sch'el rumpa sia luschezia, che «s'exprima egl esser sensibels, el spért critic, ella pintga promtadad da sesuttametter». In mied per surventscher sesez ei la mortificaziun (Abtötung). Tuts commembers digl Opus Dei ein obligai da «practicar mortificaziuns corporalas discretas». Mintgadi duessen els «star en schanuglias e dir in misteri dil rusari», ni «buca sepusar per in mument silla sutga», ni «en cass da seit, spitgar entginas minutis avon che beiber» e «las numerarias dorman pil solit sin in'aissa». Pils numeraris ed associai ein las mortificaziuns per «turzegiar e puttametter il tgierp» pli strenggas. Els vegnan obligai da «purtar mintgadi per silmeins duas uras ina pintga tschenta da penetienzia», ina tschenta cun pézs da metal che vegn ligiada entuorn las cueissas, «plinavon duein els duvrar ina gada ad jamna la misla da penetienzia e durmir giun plaun, aschilunsch che quei fa buca donn a lur sanadad.»

Aschia stat ei ellas scartiras dall'ovra. Anoraviars lai igl Opus Dei denton buca valer quei en quella moda. Il commember Martin Rhonheimer precisescha quella pratica sco suonda ell'emissiun dil Radio romontsch:

«Quei ein exercezis da penetienzia tradiziunals dalla baselgia, quels vegnan denton buca duvrai da tut ils commembers digl Opus Dei. Dall'autra vart han quels mieds buca gronda impurtonza. Igl exercezi da mortificaziun il pli impurtont ei la carezia proximala, quei ch'ins fa mintgadi per render als auters la veta pli emperneivla. E sch'ins fa diever da quels mieds per s'exercitar in tec, per dumignar sesez, per vegnir naven da siu egoissem e da sia cumadeivladad, lu ei quei atgnamein nuot schliet.»

Igl Opus Dei propaghescha ina vesta dil mund dualistica. D'ina vart ei il mundan cul tgierp ed il giavel ch'ei ha num mortificar, il tgierp ch'ei ina «sadiala da miardas» che vegn ad esser in di «in toc miarda che toffa». Dall'autra vart ei il spirtal cun Diu

44. Entschuldige dich liebenswürdig, wie es christliche Nächstenliebe und gesellschaftlicher Umgang erfordern. Aber dann vorwärts! Mit heiliger Unverschämtheit, ohne dich aufzuhalten, bis deine Pflicht ganz und gar erfüllt ist.

66. Der Priester, wer auch immer, ist stets ein zweiter Christus.

227. Wenn du begriffen hast, dass der Leib dein Feind und der Feind der Verherrlichung Gottes ist, weil er deine Heiligung bedroht, warum fasst du ihn dann so weich an?

617. Gehorcht, wie ein Werkzeug in der Hand des Künstlers gehorcht, das nicht danach fragt, warum es dies oder jenes tut. Seid überzeugt, dass man euch nie etwas auftragen wird, das nicht gut ist und nicht zur Ehre Gottes gereicht.

643. Offenbare nicht ohne Grund das Vertrauliche deines Apostolates; siehst du nicht, dass die Welt voller egoistischer Verständnislosigkeit ist?

731. Erhoffe alles von Jesus: du hast nichts, bist nichts, kannst nichts. Er wirkt, wenn du dich Ihm ganz überlässt.

899. Wie hart kommt dich diese kleine Abtötung an! Du kämpfst. Sie scheinen dir zu sagen: Warum musst du dem Lebensplan, der Uhr, so treu sein? Hast du gesehen, wie leicht man die Kinder über etwas hinwegtäuschen kann? Sie wollen die bittere Medizin nicht nehmen, aber man sagt ihnen: Komm! Dieses Löffelchen für den Papa, dieses für die Oma, und so weiter..., bis sie die ganze Dosis geschluckt haben. Genau so du: noch eine Viertelstunde Bussgürtel für die Seelen im Fegfeuer, noch fünf Minuten für deine Eltern, weitere fünf für deine Brüder im Apostolat... Bis die Zeit erfüllt ist, die dein Stundenplan dir angibt. Wenn du deine Abtötung auf diese Weise machst, wie wertvoll ist sie dann!

(In extract dallas 999 reglas spirituales ord il «Camino»/«Der Weg»)¹

e l'olma ch'ei ha num salvar, pertgei «la vocaziun dil commember digl Opus Dei ei quella dad esser in aunghel».

La carezia proximala, che Martin Rhonheimer numna sco pli impuronta che la mortificaziun, cumpeglia denter auter la «reprimanda fraterna». Ils commembers duein gidar in l'auter d'ademplir las normas ed il spért dall'ovra. Quei agid capeta cun in'admoniziun ni reprimanda per far attents il confrar sin sbagls e surpassaments. In auter «agid persunal per l'olma» ei la confessiun. Era cheu vala il principi ch'il commember sa decider «en libertad e responsabladad»: «Mias feglias, mes fegls, vus veis la libertad da prender penetienzia tier tgi che vus vuleis. Ei fuss denton ina tuppidad da semetter en auters mauns ... Vus astgeis buca esser confidonts.» Ed il bab digl Opus Dei manegia plinavon: «Il resti tschuf vegn lavaus a casa ... Sche vus leis veramein esser sontgs.»

Ils commembers digl Opus Dei vegnan pia intimai e scolai da denunziar e spiunar in l'auter ed ils superiurs garanteschan a sesezs la controlla totala da lur discipels.

Il plan dalla veta

La veta dils commembers digl Opus Dei vegn reglada dil «plan dalla veta». Normas ed isonzas fixeschan mintga acziun dil mintgadi tochen el davos detagl. Co vesa quei «plan dalla veta» ora?:

Mintgadi: *sesacrificar alla lavur, far oraziuns spirtalas (ina mes'ura la damaun, ina mes'ura il suentermiezdi), visitar la celebraziun eucaristica e retscheiver la communiuon, visitar il pli sogn sacrament, leger il s. Evangeli ed in cudisch spiritual, urar il "Preces" (l'oraziun interna digl Opus Dei), dir il s.rusari, far examens da cunscienzia (treis gadas il di), dir igl Aunghel dil Segner resp. la Regina Coeli.*

Mintg'jamna: *prender penetienzia, la sonda ina mortificaziun corporala cun recitar il Salve Regina resp. la Regina Coeli.*

Mintga meins: *in di da reflexiun*

Mintg'onn: *in cuors da reflexiun*

Adina: *patertgar vid la preschientscha da Diu, che nus essan affons da Diu, communiuon spirtala, acts d'engraziament, acts da reparaziun, oraziunettas, mortificaziuns, studium, lavur, uorden, legria.*

Aschilunsch las normas dalla veta. Vitier vegnan aunc las isonzas ed il spért dall'ovra. Mintga commember ademplescha il plan dalla veta en «libertad e responsabladad». Las «reprimandas fraternas» e la confessiun jamnila ein denton animaziun avunda.

Conclusiun

Cun uestg Wolfgang Haas ha igl Opus Dei saviu sederasar ed occupar posts impuronts egl uestgiu da Cuera. Era el seminari da spirituels s. Gliezi ha l'organisaziun fitgau pei. Tgei formazion survegnan ils futurs spirituels bandunan in di quella «scola»? L'ideologia absolutistica digl Opus Dei, sias metodas totalitaras che lain negin plaz alla veta, agl agen patratg, alla toleranza, al dialog ed al cumpromiss lain buca sperar bia bien.